

Script of Evening Gojri News Bulletin 27 July 2024 at 1700 Hrs

ایوننگ گو جری نیوز بلیٹن مورخہ 27 جولائی 2024

یوہ آکا شوانی جموں بے عبدالمجیدتے غلام سرورتیں خبر سنو۔ پہلاں خاص خاص خبر۔

- * 1۔ وزیر اعظم نریندر مو دی نے کہیو بے جے سال 2047 تک بھارت نانہ ترقی یا فتنہ ملک بنانو ہر بھارت غو مقصد بے تے تمام ریا ست اس مانہ اہم کردار ادا کرسکیں
- * 2۔ جموں کشمیر غا کپواڑہ ضلع مانہ قبضہ لکیر ور پاکستانی بارڈر ایکشن ٹیم غا حملہ نانہ بھارتی فوج نے ناکام بنایو بے تے اس ٹاکرہ مانہ 1 فوجی جوان شہید ہو گیو تے 1 کیپٹن سمیت چار جوان زخمی ہوا ہیں۔
- * 3۔ جموں خطہ مانہ ہوا دہشت گردی نال متاثر علاقان مانہ حفاظتی دستاں نے چوکسی بدھا دتی بے۔
- * 4۔ ڈوڈہ مانہ ہوا دہشت گرد حملہ مانہ ملوث 3 دہشت گردان غا پولیس نے ممکنہ خاکہ جاری کیا ہیں تے ان غو پتو دین آلاں نانہ نقد انعام دین گو اعلان کیو بے۔
- * 5۔ تے دسمبر 2025 توڑی سرکاری تے نجی عمارتاں ور جکیڈا 300 میگاواٹ سولر پلانٹ نسب کرے گی۔

خبران غی تفصیل نال پہلاں عبدالمجید۔

PM NITI

وزیر اعظم نریندر مو دی نے کہیو بے جے سال 2047 تک بھارت نانہ اک ترقی یافتہ ملک بنانو ہر بھارت غو مقصد بے تے اس سلسلہ مانہ تمام ریا ست اہم کردار ادا کر سکیں کیونجے وے بالواسطہ طور ور لوکاں نال جڑی ہویں۔ وے نیتی آیوگ غا 9 ویں گو رننگ کو نسل میٹنگ غی صدارت کرتاں واں بول ریپا تھا۔ میٹنگ غو مقصد مرکزی تے ریا ستی سرکاراں بشکار تال میل تے شہری اور دیہی آبا دی غو معیار زندگی نانہ اک ریا ست غی دوجی ریا ست غا امور مانہ سرکاری مداخلت غا طریقہ کار تے تقسیم کاری غی مضبوطی نانہ بدھانویا د رہ جے نیتی آیوگ غی کونسل مانہ تمام ریا ستاں غا وزرائے اعلیٰ تے مرکزی انتظام علاقان غا لیفٹنٹ گو رنر تے کجھ مرکزی وزراء شامل ہیں تے وزیر اعظم مو دی نیتی آیوگ غا چیرمین ہیں۔

PM Modi

وزیر اعظم نریندر مو دی نے نینو ایپ ور بجٹ 2024 غو خاکو سانجھو کیو بے۔ جس غو مقصد ہنر مندی تے روزگار پیدا کرن غا نواں اقدامات تے سرکاری بکھ بکھ اسکیمان تے اعلانات غی جانکاری اک سہل طریقہ نال دینو بے۔ سماجی رابطہ ایکس ور ایکن پوسٹ مانہ وزیر اعظم نے دسیو بے جے بجٹ 2024 غو مقصد اک مضبوط کار دستو تیار کرنو، روزگار پیدا کرن غے قابل بنانو تے سرکاری نواں روزگار متعلق اقدامات تے اسکیمان نال روزگار پیدا کرنو بے۔

Army Kupwara

جموں کشمیر غا کپواڑہ ضلع غا کاکاری سیکٹر مانہ پاکستانی بارڈر ایکشن ٹیم غی طرفوں کیا گیا حملہ نانہ ناکام بناتاں واں فوج غو اک جوان شہید تے 4 دوجا زخمی ہو گیا

ہیں۔ ات گولیا ری غا تبادلہ مانہہ اک در اندز وی ہلاک کر دتو گیو ہے۔ فوجی ذرائع نے دسیو ہے جے شمالی کشمیر غا تریگام سیکٹر مانہہ کُمکڈی چوکی غے نزدیک اگلی چوکی ور 3 دراندازاں نے گرنیڈ پھنکیا تے گولیا ری شروع کی۔ جوابی کا روانی مانہہ 5 فوجی جوان زخمی ہوا۔ جن مانہہ اک کیپٹن شامل تھو۔ زخمیاں نانہہ ہسپتال پجایو گیو جن بچوں اک جوان دم توڑ گیو تے دوجا جواناں غی حالت نازک دسی جا رہی ہے۔

Security Forces Alert

جموں کشمیر مانہہ دہشت گرداں غی بدھتی سرگرمیاں تے جموں خطہ غا کجھ ضلعان مانہہ بہت سارا غیر ملکی دہشت گرداں غا متحرک ہون غے پیش نظر حفاظتی دستاں نے جموں خطہ غا دہشت گردی نال متاثر بکھ بکھ علاقان مانہہ چوکسی بدھا دتی ہے۔ آکاشوانی نامہ نگار نے دسیو ہے جے حال ہی مانہہ ضلع کٹھوعہ تے ڈوڈہ مانہہ بوئی دہشت گردانہ کا روانیاں غے پیش نظر حفاظتی دستاں نے ناکا نصب کرن غے نال نال گرائیاں غا سربراہان نال ملاقات غو سلسلو شروع کیو ہے۔ حفاظتی دستاں غو مننو ہے جے عوام غا تعاون نال وے خطہ مانہہ سرگرم دہشت گرداں نانہہ مار مکان مانہہ کامیاب ہو جا نیں گا۔ لوکاں نانہہ کہیو گیو ہے جے اگر کوئی دہشت گرد کھانا یاہ دوجی کسے چیز واسطے اُن غے کھار اوے تاں وے نزدیکی حفاظتی دستاں غی تنصیب مانہہ پتو دیں۔

Doda Sketch

ضلع ڈوڈہ مانہہ حال ہی مانہہ 4 فوجی جواناں غی شہادت مانہہ ملوث 3 دہشت گرداں غا جموں کشمیر پولیس نے اج خاکہ یعنی ممکنہ تصویر جا ری کی ہیں۔ اگر کوئی ان بارے جانکا ری دے غو اُس نانہہ 15 لکھ روپیا نقد انعام دین غو وی اعلان کیو گیو ہے۔ پولیس نے شہریاں نانہہ اپیل کی ہے جے اگر کسے نانہہ ان دہشت گرداں بارے کوئی وی جانکاری ملے تاں وہ نزدیکی حفاظتی دستاں غی پوسٹ یاہ اہلکار نانہہ اس غی جانکاری دے۔ یا د رہ جے دیسا جنگلی علاقہ مانہہ تصادم غے دوران 16 جولائی نانہہ 4 فوجی جوان شہید ہو گیا تھا جن مانہہ اک کیپٹن شامل تھو۔ تے چھتر گلہ، گندھو، کا ستی گڑھ، گاڑھی باگواہ مانہہ بکھ بکھ ٹاکراں غے دوران 10 سلامتی اہلکار زخمی ہو گیا تھا۔

PM Mann Ki Baat

وزیر اعظم نریندر مو دی پلکیں 11 بجے آکا شوانی ور من کی با ت پروگرام مانہہ مُلک غا لوکاں نال اپنا خیالات سانجھا کریں گا۔ ماہانہ ریڈیو پروگرام غی یاہ 112 ویں قسط وے گی۔ آکا شوانی تے دوردرشن غا تمام نیٹ ورکاں، اے آئی آر نیوز ویب سائٹ، نیوز آن ائر مو با نیل ایپ ور یوہ پروگرام نشر کیو جا نے گو۔ اس غے نال نال یوہ پروگرام آکاشوانی نیوز، ڈی ڈی نیوز، پی ایم اوز، تے اطلاعات و نشریات وزارت غا یوٹیوب چینلاں ور وی نشر وے گو۔ اس تیں فوراً بعد اس نانہہ علاقائی زبانان مانہہ نشر کرے گی۔

Accident

سینٹھن کوکرناگ سڑک ور پیش آیا اک حادثہ مانہہ 1 پولیس اہلکار تے 5 بچاں سمیت 8 افراد غی موت ہو گئی ہے۔ سب ڈسٹریکٹ مجسٹریٹ کو کرناگ نے دسیو ہے جے اک پولیس اہلکار، 2 کالسریاں تے بچاں غی ارارشن ڈکسُم غے نزدیک پیش آیا حادثہ مانہہ اج موت واقع

ہو گئی۔ انہاں نے دسیو ہے جے جس گڈی ماٹہ یہ سب سوار تھا مڑواہ کشتواڑ تیں آربی تھی۔ ہلاک ہون آلاں غو ایس ڈی ایچ کوکرناگ ماٹہ پو سٹ ما رٹم کیو جا ربیو ہے۔

Kalam

سابق صدر جمہو ریہ تے منیا وا سائینسدان ڈاکٹر اے پی جے عبدالکلام ناٹہ ملک اج اُن غا 9 واں یوم وفات ور خراج عقیدت پیش کر ربیو ہے۔ انہاں نے بھارت غا خلانی تے میزائل پروگرام غی ترقی ماٹہ اک نہایت اہم کردار ادا کیو ہے۔ ڈاکٹر عبدالکلام ناٹہ ”میزائل مین آف انڈیا“ غا ناں نال وی جانیو جا ئے۔ یاد رہ جے سال 2015 ماٹہ اج ہی غے تہاڑے وے فوت ہو گیا تھا۔

یہ خبر تم آکا شوانی جموں تیں سن ربیا ہیں خبراں غا باقی حصہ نال غلام سرور۔

JKEDA

مرکزی زیر انتظام جموں کشمیر ماٹہ حکومت غی طرفوں سال 2025 غا آخر تک 40 ہزار تیں متی عمارتاں غی چھتاں ور شمسی توانائی غا پلانٹ لان غا متعدد منصوبہ شروع کیا گیا ہیں۔ یہ پلانٹ سرکار ی تے رہا نشی عمارتاں ور لایا جا ئیں گا۔ آکاشوانی جموں غا نامہ نگار غی خبر غے مطابق اس نویں پہل سنگ جموں کشمیر ماٹہ سال 2025 غا دسمبر تک 270 میگا واٹ شمسی توانائی تیار کی جا ئے گی۔ جس غی وجہ سنگ 20 ہزار کبر کوٹھاں تے بکھ بکھ 23 ہزار 4 سو 94 سرکار ی ڈھانچہ شامل ہیں۔ اس طرح فی الحال جموں کشمیر ماٹہ 38 سو رہا نشی تے 38 سو 75 سرکار ی عمارتاں ماٹہ شمسی یونٹ لایا گیا ہیں۔ تاہم اس طرح نویں تے قابل تجدید توانائی یعنی (ایم این آر ای) غی وزارت نے جموں کشمیر واسطے 2 ہزار 30 تک علاقہ ماٹہ 5 سو میگا واٹ شمسی توانائی پیدا کرن غو ہدف مقرر کیو ہے۔ تاہم اس ہفتہ جا ری کردہ بجٹ ماٹہ مرکز نے جموں کشمیر ماٹہ شمسی چھتاں تے سولر پمپ واسطے 150 کروڑ روپیاں غی تجویز پیش کی ہے۔

Summary Revision

بھارت چناؤ کمیشن تے چیف الیکٹورل افسر جموں کشمیر غی طرفوں جا ری ترتیب غے مطابق 27 تے 28 جولائی اور 3 تے 4 اگست 2024 ناٹہ تمام چناوی مرکزوں ماٹہ خصوصی کیمپ منعقد ہوویں گا۔ تمام الیکٹورل رجیسٹرین افسراں ناٹہ ہدایت جا ری کی گئی ہیں جے وے تمام چناوی مرکزوں ور متعلقہ بوتھ لیول افسراں غی ضروری فارماں تے فہرست دہندگان سمیت موجودگی ناٹہ یقینی بناویں۔ کیمپ غا تہاڑاں غے دوران چناوی مرکزوں غو دورو وی کیو جا ئے گو۔

Opposition Meet

جموں کشمیر ماٹہ حزب اختلاف نے 8 اگست ناٹہ جموں ماٹہ اک جگہ اکھٹا ہو غے لیفٹنٹ گو رنر ناٹہ دتا گیا مزید اختیارات سمیت دوجا معاملات ور تبادلہ کرن غو فیصلو کیو ہے۔ آکاشوانی جموں غا نامہ نگار نے خبر دتی ہے جے یاه میٹنگ 7 اگست ناٹہ جموں غا نروال علاقہ ماٹہ ہوٹل ریڈسین ماٹہ منعقد وے گی۔ اس سلسلہ ماٹہ فیصلہ غی تصدیق سی پی آئی ایم لیڈر تے سابق ایم ایل اے محمد یوسف تاریگامی نے کی تے انہاں نے مخالف پارٹیاں ناٹہ کہیو ہے جے وے اس میٹنگ ماٹہ شرکت کریں۔ تاریگامی نے مزید کہیو ہے

تمام لیڈراں نانہ دعوت نامہ بھیج دتا گیا ہیں تے کجھ پارٹیاں نے اس میٹنگ مانہ شرکت
غو اعلان وی کر دتو ہے۔

STD Dealers Meet

اڈیشنل کمشنر اسٹیٹ ٹیکس انتظامیہ تے انفورس منٹ جموں نمرتا دوگرہ نے بیتے روز
100 فیصد ریٹرن فائل کرن غی تعمیل ور زور دتو ہے تے اس سلسلہ مانہ ٹیکس
دہندگان نانہ جعلی یاہ اک تیں متا قیو آر کوڈ استعمال کرن سیلز نانہ دبان غا مظاہرہ کرن آلا
دھوکہ بازاراں گا نتائج تیں خبردار کیو۔ ایڈیشنل کمشنر نے کہیو کہ ہم نے اس چیز ور غور کیو
ہے کہ کجھ فوڈ وینڈر، ریسٹورینٹ، ہوٹل آلہ اور دیگر تا جر اپنا حقیقی کا روبا ر نانہ چھپان
واسطے متعدد یو پی آئی آکا وٹ غے ذریعے آدائیگی وصول کر رہیا ہیں تے ٹیکس انوائز جا
ری کرن تیں بچ رہیا ہیں۔ انہاں نے کہیو کہ اس طرح غا رجحان محکمہ غا نوٹس مانہ ہیں
تے جلدی ہی ان خلاف ورزیاں نانہ غی مہم شروع کی جائے گی۔

Inida Sri Lanka

کرکٹ مانہ اج بھارت میزبان سری لنکا نال پالیکلے بین القوامی میدان مانہ 3 ٹی
ٹوائٹی میچاں ور مشتمل سریز غو افتتاحی میچ کھیڈے گی۔ یوہ میچ بھارتی ویلے غے
مطابق شام 7 بجے شروع وے گو۔ واضع رہے جے عالمی کپ فتح تیں بعد بھارت غا بلے
باز روہت شرما، ویراٹ کوہلی تے رویندر جڈیجہ نے ٹی 20 تیں ریٹائر منٹ لے لی ہے۔
اس سلسلہ مانہ ہن سورہہ کمار یا دو نواں کپتان ہیں تے گوتم گھمبیر نواں بیڈ کوچ ہیں۔
دوجے پاسے سری لنکا وی اک نواں دور مانہ قدم رکھ رہیو ہے جس منابہ چریتھ
اسلنکا بطور کپتان تے سنت جے سورہہ عبوری کوچ غا طور ور فرائض دیں گا۔

Horti PMFME

وزیر اعظم غی خوراک نانہ ڈبہ بند کرن یعنی پی ایم ایف ایم ای سکیم بارے آگاہی
ورکشاپ غو انعقاد ضلع کٹھوعہ غا پنجایت گھر ڈہالی دیالہ چک مانہ کرایو گیو۔ یاہ ورکشاپ
محکمہ باغبانی منصوبہ بندی تے مارکیٹنگ نوڈل محکمہ کٹھوعہ غی طرفوں کروائی گئی۔
تاہم اس طرح اس ورکشاپ مانہ ہیرا نگر غا ایس ڈی ایم راکیش شرما، ڈہالی دیالہ چک غا
سابقہ سرپنچ سوبھاش شرما، علاقائی مارکیٹنگ افسر تیں علاوہ دیگر ملازمین نے اس
ورکشاپ مانہ شرکت کی۔

اس غے نال ہی خبراں غو یوہ بلیٹن ختم ہوؤ۔